



800 a. C.

15 a. C.

Economia d'alp en il territori dal Silvretta dal temp da fier

En las muntognas grischunas para pauc dad esser uschè evident sco l'utilisaziun stagiunala dals pastg alpins. Ma ils origins precis da l'economia d'alp èn fin ussa nunenconuschents. Probablamain èn las alps alpinas vegnidas chargiadas dapi il temp da crap tardiv, l'emprim cun nursas e chauras, a partir dal temp da bronz er cun arments e portgs. En la Val Fenga sin in' autezza da 2300 m han avant var 2600 onns pasters dal temp da fier da l'Engiadina bassa laschè pascular lur muvel ed han probablamain er fatg chaschiel. Da quai dattan perditga ils mirs da fundament d'ina chamona ch'èn vegnids examinads ils onns 2007–2011 sco er fragments da cheramica e fuclars. Dal muvel da quella giada è restada en la culegna da val Ramosch-Mottata mo l'ossa dals animals mazzads.



Passagi da muvel Fenga-Engiadina, 2010



Paster en la Val Tuoi/Guarda, enturn 1930

Mantegnair – examinar – intermediar

L'archeologia perscrutescha l'istorgia e la vita da generaziuns da pli baud. Ella gida ils umans d'encleger lur passà e lur derivanza e da concepir lur futur.

Il servetsch archeologic dal Grischun inventarisescha e protegia dapi l'onn 1967 ils lieus da chat ed ils chats dal chantun periclitads. El fa exchavaziuns ed è responsabel per ina conservaziun, per in deposit e per in'archivaziun moderna da chats e da documentaziuns. El intermediatescha ils resultats en moda fitg variada a la populaziun ed a la scienza e stgaffescha uschia ina conscienza per il ritg patrimoni cultural da noss chantun.



Amt für Kultur
Uffizi da cultura
Ufficio della cultura

Amt für Kultur Kanton Graubünden • Archäologischer Dienst • Servetsch archeologic • Servizio archeologico
Loëstrasse 26 • CH-7001 Chur • Tel. +41(0)81 257 48 50 • info@adg.gr.ch • www.archaeologie.gr.ch